


四象五行



道藏輯要

心傳述證錄
四象五行

七

鬼集七
人川文

沂陽子曰啓蒙云兩儀生四象兩儀之上各生一奇一耦而爲二畫四象之中太陽還天太陰還地少陽者天之陽下交於地之陰中其陽少而陰多故曰少陽其象爲水少陰者地之陰上交于天之陽中其陰少而陽多故曰少陰其象爲火雖有四象之異實本太極之元一分爲二者又重分之爲四爾其位則太陽一少陰二少陽三太陰四其數則太陽九少陰八少陽七太陰六以河圖言之則六者一而得五七者二而得五八者三而得五九者四而得五以洛書言之則九者十分一之餘八者十分二之餘七者十分三之餘六者十分四之餘周子所謂水火木金邵子所謂二分爲四者皆謂此也